




www.BibleForChildren.org


उत्प 1




सुरुवातीमेहें देवे जुग आन
धरती बोणायी.



धरती विण आकारोअ आन
सामसुम पोड़ीत रोयीते, उंडा
पाअयोंपोअ आंदारो ओतो; आन
देवोअ आत्मा पाअयोंपोअ
फिन्या कोअतुतो.




जाहां देवे कोयो, “उजालो ओव,” ताहां उजालो ओत गोयो. आन देवे
उजालाहा “दिही” आन आंदाराहा “रात” कोयो. हांज ओवी आन
फाशयोअ वेगीइ हुज्यो, एहेंकोइत पेहलू दिही ओवू.




फाश्योअ देवे कोयो, “पाअयोंअ विसमेहें एक एहेलोहो गालो ओव के
पाई बेन भाग ओत जाय.” आन देवे तिया उसेए गालाहा “जुग” कोयो.
आन हांज ओवी फाश्योअ वेगीइ हुज्यो, एहेंकोइत दुसरु
दिही ओत गोयु.




फाश्योअ देवे कोयो, “जुगोअ निसेए पाई एकी जागे टोलू बोलीत जा
आन उगाअली पुंय देखाइ बोल,” आन तेहेलोज ओत गोयो. देवे
उगाअली पुंयींहीं “धरती” कोयो, आन जों पाई टिग बोल्योतो तियाहा
“दोन्या” एहें कोयो, आन देवे पाल्यो के ओं हाजो होय.




फाश्योअ देवे कोयो, “धरतीपोअ रोट निलु सारु, मिंजोवाले हाने-हाने
साड़े, आन फोलनारे साड़े बी उगुहूं जोवे, जियां साड़ोअ मिंजे
तियांजमेहें एकेक जातीइ पुरमाणे रोय,” आन तेहेंज
कोइत ओवो. ताहां हांज ओवी आन
फाश्योअ वेगीइ हुज्यो. एहेंकोइत
तिसरु दिही ओत गोयु.




ताहां देवे बेन वोडा दिवा बोणाया; तिहींमेएं वोडा
दिवाहा दिहोपोअ राज कोए तेहें काजे आन हाना
दिवाहा रातीपोअ राज कोए तेहें काजे बोणाया;
तारामोंड्लो बी बोणायी. ताहां हांज
ओवी आन फाश्योअ वेगीइ हुज्यो, एहेंकोइत
शोवथु दिही ओत गोयु.




फाश्योअ देवे कोयो, “पाईं जिवता
जनवारोवाअहीं जाअखो पोआइत
जाअहूं जोवे, आन सिडे धरतीइ आन
जुगोअ गालामेहें उडुहूं जोवे.”
हांज ओवी आन फाश्योअ
वेगीइ हुज्यो, एहेंकोइत पासवू
दिही ओत गोयु.




फाश्योअ देवे कोयो, “धरतीप रोट एकेक जातीइ जिवते जनवारे,
मोन्ज्ये कोन्येए जनवारे, आन होरतींडनारे जिवतोर, आन धरतीपोन्येए
रानळ्ये जनवारे, राज्या राज्यामेहें पुरमाणे उत्पन्न ओवा,” आन तेहेंज
कोइत ओत गोयो.




फाश्योअ देवे कोयो, “आपू आपाआ रुपोअ पुरमाणे आपाआ होसन्थोअ
एक माहुंउं बोणावता; आन तों दोन्थामेन्थाआ मासांपोअ, जुगोमेन्थाआ
सिडापोअ, कोन्थाआ जनवारोपोअ, आन पुरी धरतीपोअ, आन आखा
होरतीडनारा जिवतोरोपोअ, जें धरतीपोअ फिरतेहे, तियांपोअ
आधिकार मिकीत सेके.” ताहां देवे जों
किबी बोणायो तों आक्खो पाल्यो,
ताहां की देख्यो के, तों जास्ती भारी होय,
आन हांज ओवीन फाश्योअ हुज्यो,
एहें कोइत साहावू दिही ओत गोयु.




ताहां यहोवा देवे माहुंहूं लेत कोइत एदेनोअ बोगिसामेहें काम कोए
आन तियाआ राखवाली कोए तेहें मिकी देदो.



आन यहोवा देवे आदामोहों ओ
आदेश आप्यू, “तू बोगिसाआ
आखा साड़ोअ फलवे बिन्दास
खात सेकेहे; पोन हाजा
बाक्ताआ ओकलेए जों साड़
होय, तियाआ फल तू केदिहींज
मा खाही: काहाके जेदिहीं तू
तियाआ फल खाही तेदिहीं
हुदाअलीज मोईत जाही.”



ताहां ये मोनवी आखी जातीइ कोऱ्याआ जनवारोअ आन जुगोमेएं
सिड़ाआं, आन आखी जातीइ धरतीपोऱ्याआ जनवारोअ नावे मिक्ये;
पोन आदामोअ काजे कोडो एहेलोहो हेंगात ने जोड़्यो
जों तियाअरी सान्बात सेके.



ताहां यहोवा देवे आदामोहों वोडी निंदेमेहें पाड़ी देदू, आन जाहां तो
हुवीत गोयु, तेहेलाम तिये तियाआ डिलोमेहें रेत एक पाहलो काडीत
कोइत तियाआ जागापोअ माहां पोई देदो. आन यहोवा देवे तिया
आदामोअ पाहलाआ बोई बोणावी देदी;
आन तियीही आदामोअ जागे लेत आयू.



याआ कोअते माटी तियाआ आयहीन आब्हाहा
सोड़ीत तियाआ लाडीइरी मिलीत रोय, आन तें
बेनु एक डिल बोणीत रोये.



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोड़ुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पो न देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पो न देवोअ भेट होय, आन ओं नाहां आपाआ कामों वाअहीं, एहलोहो ने ओवुहं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुह विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



उत्प 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Noiri-Bhil Bible (noi) ©The Word For The World International
and Noiri-Bhil Translation Samiti, Dhadgaon, Maharashtra,
India, 2025.

<https://live.bible.is/bible/NOIWWF/MAT/1>

©2026 Bible for Children, Inc.

www.M1914.org

www.bibleforchildren.org

